

dean, agus gu'n d'thoir an Tighearna do Dhia thairis iad do d' laimh, agus gu'n dean thu braighde dhiubh,

11 Agus gu'm faic thu measg nam braighde bean sgiabhach, agus gu bheil dèigh agad oirre, agus gu'm bu mhath leat agad i 'na mnaoi;

12 'An sin bheir thu dhachaidh i do d' thigh, agus bearraidh i a ceann, agus bheir i dhith a h-in-ean.

13 Agus cuiridh i dhith a h-eudach braighdeanais, agus fanaidh i a d' thigh, agus ni i caoidh^a air fon a h-athar agus a mathar mìos iomlan: agus 'an dèigh sin théid thu steach d'a h-ionnsuidh, agus bithidh tu a t' fhear-pòsda^b aice, agus bithidh ise 'na mnaoi agad.

14 Ach mur bi tlachd agad innte, 'an sin leigidh tu leatha dol far an àill leatha, ach cha reic thu idir air airgid i, ni mò a ni thu ain-tighearnas oirre^c, a chionn gu'n d'flich thu i.

15 Ma bhios aig duine dà mhnaoi, aon diubh gràdhaichte agus an aon eile fuathaichte, agus ma rug iad clann da, *araon* a' *bhean* ghràdhaichte agus a' *bhean* fhuathaichte; agus ma's leis a' mhnaoi fhuathaichte an ceud-ghin mic,

16 'An sin tarlaidh, 'nuair a bheir e sealbh d'a mhic air *an ni* a ta aige, nach fheud e ceud-ghin a dheanamh do mhac na *mna* gràdhaichte roimh mhac na *mna* fuathaichte, a's e da rìreadh an ceud-ghin:

17 Ach gabhaidh e re^d mac na *mna* fuathaichte mar an ceud-

ghin le roinn dhùbailte a thoirt da do gach ni a ta aige: oir *is* efan toiseach a neirt, *is* leis còir a' cheud-ghin.

18 Ma bhios aig duine mac reasgach^e agus ceannairceach, nach géill do ghuth athar, no do ghuth a mhàthar, agus an uair a smachdaicheas iad e, nach éisd riu:

19 'An sin beiridh athair agus a mhàthair air, agus bheir iad amach e gu seanairean a bhaile, agus gu geatadh àite féin;

20 Agus their iad re seanaireibh a' bhaile, *Tha* ar mac so reasgach agus ceannairceach, cha d'thoir e géill d'ar guth; *tha e* 'na gheòcair agus 'na mhi-fgeir.

21 Agus clachaidh uile dhaoine a bhaile e le clachaibh a chum as gu'm bàsaich e: mar sin cuiridh tu olc air falbh as bhur measg, agus cluinnidh Israel uile, agus bithidh eagal orra.

22 Agus ma rinn duine peacadh a tha toillteanach air bàs, agus gu'm bi e r'a chur gu bàs, agus gu'n croch thu re craoibh e:

23 Cha 'n fhan a chorp rè na h-oidhche air a' chraoibh, ach air gach aon chor adhlaidh tu e air an là sin féin (oir mal-laichte le Dia *tha* efan a chrochadh:) agus cha fàlaich thu t'fhearann, a *tha* 'n Tighearna do Dhia a' toirt duit mar oighreachd.

NUAIR a chi thu damh do bhràthar, no a chaora dol air seacharan, cha'n fholaich thu

^a coisidh i.

bithidh e gur e.

^b 'nat' fhear-pòsda.^c cas-ùmhail.^e masantachd leatha.^d aid-